

第一冊

卷首

序言 凡例 目次

採用書目 修志姓氏

地輿志

卷一

輿圖

卷二

區域 山川 附水利溫泉

地文 地質

元江志稿

陳榮昌題

元江志稿

石屏袁嘉穀署

民國拾壹年開智

印刷有限公司印



元江志稿序

脩國史者徵諸省志脩省志者徵諸  
郡志脩郡志者徵諸縣志縣志之  
所重在詳不在簡苟縣志不詳則  
郡志無所取資等而上之至於省志  
國史其不免於挂漏無裨矣故縣

志以詳為重縣志不詳於是乎備  
史者乃棄志而取私家之傳述亦勢  
有必至者也元江為滇之要邑古無  
志志之成僅三見初成於康熙甲午  
郡守章公人也繼成於道光丙戌刺  
史廣公石如自沒百餘年間無繼起

而為之者今戊午南浦黃君礪汝  
來令是邑乃續脩之其纂輯  
甚詳匪但近今時局之遷變以治  
之更張足以資後來考鏡即舊志  
所有者亦為之訂其訛補其缺蓋  
深知縣志關係之重故其用力之勤



如此嗚呼今人唯不知縣志之重故  
闕情者多矣黃君豈不賢於人哉  
果天下之邑侯皆如黃君凡令其地  
即脩其志則郡志省志得所取資  
以供國史之采擇何至地方掌故  
渙然散佚而不可考也抑予更有

欲質其疑者創言云元江舊為府旋  
更為州今改縣本志不以府州縣等  
名統目曰元江以免紛歧衝突是誠  
良工心苦矣第因時制宜因地制宜  
今既縣之矣似稱縣志為宜但曰元  
江則此江流域非縣界所能限不



笑難循名而責實乎此予所欲質  
諸黃君而深冀黃君有以釋吾疑  
也辛酉七月昆明陳榮昌序

元江志稿序

章賓齋以州縣志乘比於古者列國史書識  
者黠焉竊以為志者史之基必一邑之志有完  
書而後國史之採乃有實據故鄭漁仲謂須老  
於掌故者為之有紀率爾搢觚所得粹粹其范  
成大之吳郡志王鏊之姑蘇志暨康海之武功  
韓邦彥之朝邑當時亦既藉稱善後猶不免

人摘而疵之甚矣志之不輕於修而其嚴尤在體例也滇隸邊隅文獻久無足徵而元江尤僻荒徼唐漢以前事既無稽宋元以後雖有所著又畧而未詳語建置則輿地之沿革雅清語田賦則開墾之征收代異檔案付缺而官師失考流傳見佚而藝文鮮收苟紀有賢者志得以善其業哉顧余風涉文園每慨方志之多闕久欲求二三通人碩士相



與請明而切訂之只以戎馬倥傯有志未遑今歲  
甫由粵旋滇而黃君礪涵印以其所刊之元江  
志稿見示并索及序去既責無可辭又方百以  
待理有不暇再與之商權士第念當此軍政兼  
勝日黃君獨能於公餘之餘慨然收殘拾墜以存  
文献於縑帛希賢於什伯庸吏速矣因略舉  
修志之例昭其攸關於史者大以為後之修者告

并以歸而質之黃君

民國壬戌年孟夏月之中泮會澤唐繼堯  
序於五華山印署

元江縣志序

國家政治之隆污視乎親民官吏之賢否方世之盛也仕途澄清吏盡其責民樂其利則君主璽書以褒美之史冊特書以摘揚之其不率職者罰之例及其衰也仕途冗雜姦猾倖進竊舉不行而民生之道苦矣此伊古



裁籍可致而見者民國以來國是不  
競名省區莫不張皇於兵事補苴於  
餉需所謂親民官吏之賢否幾無解  
力以加整飭於是蕭艾竝進良窳雜  
陳其巧者不過淫飾以為工否則敷  
衍以求多事而已求能實心任事者殆  
不數覩嗚呼此吏治之所以日墮也

南浦黃君鵬汝初知元謀縣事元謀  
巖邑也而治匪輯民興學廣教之政  
俱舉民惟恐其去及調任元江又以其  
治元謀者治之而治匪興學加勤焉  
後於政暇糾邑之績學士輯修元江  
縣志成書視舊志加詳而體例採錄  
尤較於慎邑之掌故風物得以秩然

樂也俾邑之士民與夫後之繼任邑者  
者有所資以爲政某者利當興某者  
弊當革蘄至於改進優良而後已  
固不僅存文化學術與表之誣于千  
百年後也黃君可不謂賢矣乎余曩  
晤黃君惻然儒者固決其必有以見  
異於今世仕者之林歟是書及訪其